

Monata informilo de Sovetlanda esperantista movado

K-araĝ gosaĝkoj!

Laŭ decido de la VII-a SEJM-Konferenco (ĉi jara) Barnaula E-klubo lanĉas novan informilon de SEJM, nome "Aktuale"-on. Inter ĉiaj taskoj estas informi pri laboro de E-klubo, interŝanĝi ideojn el E-agaĝe kaj diskuti, rakonti pri E-renkontiĝoj, veturoj, laboro de fakoj, ktp.

Ni petas sendadi ĉiujn materialojn al redaktoro de "Aktuale" Vladimirceŝ Jurij (Semenoviĉ) laŭ adreso: 656099, Barnaul-99, p.k. 11, E-klubo.

Estas peto skribi artikolojn sufiĉe koncize, aliel redaktoro devos koncizigi, ĉar ĉiuj ni estas limigitaj de tajpeblacoj.

La unua numero de "Aktuale" enhavu tre koncizan protokolon de la VII-a SEJM-Konferenco. Dua numero enhavos koncizan priskribon de la SEJT-KV kaj se venos iom da aliaj materialoj. Kaj la tria numero estas plene je via dispono, gekamaradoj.

Konsideru, ke ni fermas la numeron kaj ektaĝpas la 20-an de la respektiva monato.

Ek al la kunlaboro!

A. Gonĉarov.

KONCIZA PROTOKOLO

de la VII-a Konferenco de SEJM-Konsilantaro

La unua tago - 12.08.73.

V. Aroloviĉ en la nomo de SEJM-Komitato malfermis la Konferencon. A. Gonĉarov faris enkondukkan parolon. Li skizis historion de la Konferencoj, menciis ties taskojn: interŝanĝi sperton, koordini kaj plani laboron.

Temoraporto de la lokaj kluboj.

Barnaul (J. Vladimirceŝ): La klubo regule okazigas kunvenojn, renkontiĝojn kun najbaraj urboj. Membro de la klubanoj - ĉ. 40 personoj. 20 personoj venis al la konferenco, 7 partoprenas en SEJT. La klubo ricevis propran ĉambrojn. Estas eldonita fotmaniero unu numero de "Akordo". En gazetare aperis 4 artikoloj.

Oni aranĝis malgrandan ekspozicion de infandeseĝnaĵoj. Okazis 3 propagandaj koncertoj, 16 prelegoj, 2 klubanoj partoprenis konstruadon en Bulgario. Urban kurson finis 14 personoj.

Celiabinsk (L. Novikova): La klubanoj aktive partoprenis en SEJT, SEJT, regionaj renkontiĝoj. Estis kelkaj publikaĵoj en regiona ĵurnalo. Funkciis 2 kursoj per ekzamenojn 16 personoj. Oni aranĝis standon de publika biblioteko. Estis organizita ekspozicio de infandeseĝnaĵoj. En la klubo aktivas ĉ. 20 membroj.

Moskva (B. Dajnok): La klubo nomras 18 personojn, el ili aktivas 8. Okazis renkontiĝoj kun aliaj klubanoj. Oni eldonas informilon por Ukrainio.

Ivanovo (T. Leskutova): La ĉefa direkto de laboro estis instruado. E Funkciis du kursoj per kosencantoj kaj unu per progresantoj. Estis multaj propagandaj prelegoj. La klubanoj aktive partoprenis E-krandaĵojn, organizis regionajn renkontiĝojn. Oni preparis kovrilojn por "Akordo". Multfoje estis demonstrata la filmo "Fiat". Estis artikoloj en ĵurnaloj, precipe institutaj. Kunvenas 10-15 personoj.

Klaipeda (D. Lukauskaite): En la klubo estas 124 personoj inkl. listo, aktivas 70. Laboron de la klubo gvidas Konsilantaro. Oni aranĝis grandan urban ekspozicion. Okazis tradicia renkontiĝo en Giruliai. Aperis 21 artikoloj en gazetare. E-fakultaton ĉe popola universitato finis pli ol 100 personoj. La klubo kunlaboras kun E-klubo de socialismaj landoj. 3 personoj vizitis eksterlandon.

Por lerneja instruado mankas pedagogoj. La klubon vizitas vintre ĉ. 40 personoj, semere - 20-23. Konstantan taskon havas ne ĉiu klubano.

Kolozna (M. Rybakov): Por bona laboro mankas kondiĉoj. La grupo nombras 16 personejn, gvidas L. Borisov. Propran ejon oni ne havas, kolektivas ĉe la gvidanto hejme. Oni organizis rondeton de lernantoj, inter aliaj pri interesigantaj pri literaturo; finis 7 el 9. La grupanoj partoprenis diversajn aranĝojn en aliaj urboj, organizis regionan renkontigon. Oni esperas pri oficialiĝo.

Lenigrado (D. Lukjanec): El 30 junaj esperantistoj aktivas 10. En la esararo de ĝenerala klubo estas 6 gejunuloj el 10. Estis unu kurso, kiu finis 15 personoj. Oni partoprenas laboron de Lenigrada SSOD-Komisio. La grupanoj aktive partoprenis diversajn renkontiĝojn. En Domo de verkistoj okazis busa almanako kun prelegoj de S. Podkaminer kaj V. Samodaj pri E-tradukoj de rusa poezio. Granda laboro estas farata pri akompano de eksterlandanoj.

Moskvo (A. Harkovskij): La ĉefa aktiveco estis organizo de SEJT-III. Oni partoprenis regionajn renkontiĝojn, aranĝis humuran vesperon. Ĉ. Leŝakaja partoprenis Berlinan festivalon. Sub gvido de B. Tokarev funkciis kursoj por komencantoj kaj progresantoj. En la klubo aktivas ĉ. 10 gejunuloj. Sukcese funkciis interlingvistika rondeto de S. Kuznecov. Korespondajn kursojn partoprenis ĉ. 20 personoj.

Omsk (V. Kulikov): En la klubo estas 30 membroj. Funkciis kelkaj rondetoj kaj metodika kurso. Ekzamenigis 52 personoj. La klubo festis 50-jaran jubileon. Estis artikoloj en loka gazetaro. Oni aranĝis majfestan renkontiĝon kun aliaj urbanoj, turismajn marŝojn. N. Januleviĉ partoprenis la Kongreson en Belgrado.

Riga (A. Medinā): Ekzistas kelkaj junularaj grupoj, kiuj kunvenas aparte. En Domo de instruistoj funkciis kurso, kiu finis 14 1/2 personej. Aperis kelkaj artikoloj, radiolandoj. Okazis tradiciaj renkontiĝoj. Regule estas sendata materialo al Pola Radio. Estas eldonita fotmaniere malgranda E-vortaro. Oni preparis "Akordon" N=36. Estas kunlaboro kun komemola komitato de radiuzino, kun turisma klubo. Estas sentata manko de spertaj junaj fortoj. "Radieto" nombras 15 personojn.

La dua tago - 13.08.73.

Raportoj de la lokaj kluboj (daŭrige)

Doneck (M. Belegelevskij): En la klubo estas 20 personoj. Ĝi havas bonajn oficialajn poziciojn, precipe ĉe komemolaj organizaĵoj. Estas multaj kursoj, kiuj bonan rezulton ne donis. Estas starigitaj bonaj kontaktoj kun Magdeburg (GDR). Okazis renkontiĝo kun fiarkovanoj. La plej grava malfacilaĵo estas foresto de klubejo.

Kuĵbiŝev (Z. Skverceva): La SEJM-representantino T. Legkova ne aktivas. Funkciis kursoj por komencantoj. Oni aranĝis 3 ekspoziciojn. Ne videblas granda intereso al Esperanto, ĉar la urbon ne vizitas eksterlandanoj. La klubanoj abonis diversajn revuojn, korespondas kolektive kun eksterlando.

Taŝkent (D. Galalova): La laboro estis nek brila, nek brua. Nova prezidanto de la klubo estas S. Mutalov. La klubo nombras nun 30 personojn, aktivas ĉ. 10. Estis vespero kun delegacio de polaj studentoj, inter kiuj estis esperantistino. Multa laboro estis farita por organizi SEJ. Aperis nur unu numero de "Akordo". Funkciis kursoj.

Tula (V. Sporyŝin): Lastjare en la klubo restis nur novuloj. Funkciis kurso en instituto, 7 kurafinkajxintoj veturis SEJ. Estis ankoraŭ kurso en lernejo, finis 5 personoj. La klubanoj aktive partoprenis diversajn renkontiĝojn. Estis faritaj 3 ekspozicioj. La klubon regule vizitas ĉ. 5 personoj. Oni planas da

daŭrigi la kursojn en lernejo kaj instituto.
Ufa (N. Cvilenova): El 40 klubanoj aktivas 20-25. Funkciis fakultativaj kursoj en naŭta kaj avlada institutoj, ankaŭ pagataj kursoj ĉe biblioteko kaj en klube de trajnrupara uzino. La plej grandan kurson (pli ol 100) gvidis B. Kelker. Estis fakultativo en lernejo. Aperis artikoloj en la gazetaro. Okazis granda koncertvespero, kelkaj ekspozicioj. Por urba biblioteko oni abonis E-revuojn kaj akiris librojn. Okazis marŝoj ekserurbe, vespero por kurafinintoj. Aperis unuaj E-lecionoj en la ĵurnalo "Leninec", la tuta ciklo ampleksos 15 lecionojn. Okaze de sia 5-jara jubileo la klube honorigis kelkajn urbajn organizaĵojn pro helpo.
Ustj-Kamenogorsk (R. Citljava legas leteron de B. Anofin): Aperis 2 artikoloj en uzina ĵurnalo, 1 en urbo. Okazis buŝa almanako en Palaco de metalistoj. Funkciis 4-monata kurso, finis 8 el 12. Okazis renkontiĝo kun barnaulanoj. Estis 2-minuta televida elsendo pri laboro de la klube. Aperis traduko en "Bulgara Esperantisto". La laboro ne estis planita, kunvenoj estis neeftaj.
Poltava (V. Moŝovkin): Estas du E-klubo: en agrikultura instituto kaj en teknika lernejo. Estis preparita granda stando. La lerneja klube estas subvenciata. La instituta klube nombros 20 personojn, aktive vizitas 10. Oni prezentis E-kantojn dum fremdlingva koncerto. Aperis kvar artikoloj en la gazetaro. Kursfinintoj ricevas oficialajn atestojn. Oni partoprenis renkontiĝojn en aliaj urboj. Ĉefa malfacilaĵo - manko de E-literaturo.
Markov (A. Lakin): En la klube okazis ŝanĝoj, aperis aparta junulara klube. Ĝi nombros 30 personojn. Funkciis 3 kursoj por komencantoj kaj unu por progresantoj. Oni laboras laŭ fakaj grupoj. Estas starigitaj ligoj kun Ĝemelurboj eksterlande. Okazis multaj renkontiĝoj, elurbiĝoj. Estis granda solena vespero por kursfinintoj. Oni aranĝis 10 prelegojn. Funkciis 4 kursoj en lernejoj, la rezulto estis malsukcesa. Oni planas pli aktivigi la fakojn.
Vilnius (S. Gaidamavičius): La klube "Juneco" agas paralele kun ĝenerala urba klube. Junecanoj laboras laŭ kvar fakaj grupoj. Multaj renkontiĝoj kaj marŝoj. Funkciis 4 kursoj. Aperis artikoloj en gazetaro, precipe distrikta. La klubanoj korespondas kun 23 landoj. Estas eldonita propaganda bulteno. Aperis sondisko "Litova kanto en Esperanto". Oni preparas la bultenon "KKK".

Raportas nesliĝintaj grupoj.

Talgar (G. Gercikov): Estis organizitaj du grupoj - ĉe lernejo kaj ĉe la urba klube. Kursojn finis 10 personoj kaj ricevis atestilojn. Okazis radiceksendo kaj artikoloj en gazetaro. La instancoj subtenas. La grupo volas aliĝi al SEJM.
Kostroma (E. Tartisev): Funkciis tri rondetoj, finis 4 personoj. Aktive la laboro daŭras.
Tilvin (M. Brenstejn): Okazis prelego en la kadroj de urba societo "Scio". Funkciis kurso en lernejo; komencis 45-40, finis 5. Printempe okazis turisma marŝo kun komencantoj, pri ĝi poste estis fotoekspozicio. Okazis kelklingva unuamaja koncerto; E-parto estis la plej bona. La kursfinintoj ĉeestas en la konferenco. Aliĝi al SEJM la grupo ne rapidas.
Kedainiai (J. Galvydis): En la klube estas 50 personoj, el ili 17 gejunuloj. Oni laboras laŭ jara agadplano. Funkciis 4 kursoj. Estis organizita ekspozicio. Oni abonis diversajn revuojn. Pasantjare la klube kandidatiĝis al SEJM kaj petas konfirmi la membrecon.

Temo: raporto de la fakoj, faka agado.

Korespondanta servo (laŭ komisiono A. Medinš): Korespondantoj ne estis multaj. La fakestrino S. Neilande kontaktis kun korespondanta servo de TEJO. Estas kompilita paĝo kun eksterlandaj adreso

per "Akordo".

Marĉatĉikova, Poezia fako (D. Lukjanec): La farita laboro ne estas ~~farita~~ ~~fakax~~ granda. Estas planata kolektado de originalaj poeziaĵoj por eventuala publikigo. En Leningrada Domo de verkistoj okazis almanako kun elpaŝo pri E-tradukoj de rusa poezio. Por estonte estas planataj ankoraŭ du elpaŝoj. Estas intenco aranĝi poezian vesperon en SEJT. Kun eksterlandaj literaturistoj kontaktoj ne estis multaj.

Radioamatora fako (G. Jaskov): Malgraŭ ne ĉiam bonaj kondiĉoj la laboro plivigligis. Okazis pluraj eteraj renkontiĝoj kun V. Silas kaj kun eksterlando.

Estas preskaŭ preta radioamatora tersinaro.

Traduka fako (J. Vladimircov): La laboro iom plivigligis. Duono de bibliografio en Moskvo jam estas preta, oni surskribas E-literaturon en Leningrado. Oni komencis traduki teknikajn literaturon. Estas organizita traduka konkurso por SEJT. Ĝi stimulas trovi talentajn tradukistojn.

V. Cvetkova: Ŝi komencis laboron pri tutsovetia E-bibliografio. Plejparte estas farita en Leningrado, estas ricevita helpo el Kievo, Ĥarkov, Riga. Nun necesas fari tian laboron en Moskvo kaj aliaj urboj. Rezulte ni havas sliparon kun ĉifroj de ĉiuj bibliotekoj. En ĉiu urbo devas esti respondeculo pri la afero.

A. Gonĉarov: Ĉiu aktiva esperantisto devas okupiĝi pri iu grava temo, ligita al Esperanto kaj la movado, ekz. pri historio, ekonomiko, literaturo. Tia laboro estas tre grava por oficialiĝo. Multe povas helpi niaj veteranoj.

B. Tokarev: Estas propono fondi socian scienc esploran instituton de Esperanto. Ĝi povus koordini tian laboron.

Gazetara servo (A. Ĥarkovskij): Neniu sendis materialojn por la gazetaro, krom V. Leptev. Kelkajn artikolojn preparis la fakestro mem. Estas propono likvidi la fakon.

Temo: Eksterlandaj rilatoj de SEJM.

B. Kelker (skriba raporto): Estas metitaj sufiĉe bonaj kontaktoj kun TEJO. La klopodoj sendi oficialajn reprezentantojn por TEJO-Kongreso ne estis sukcesaj. Estas interkonsento kun GDR pri livero de E-eldonaĵoj al SEJM, necesas fari same pri aliaj landoj.

Barnaul (A. Gonĉarov): Estas starigita firma kontakto kun Mongolio. Ni volas estonte prizorgi tian movadon. Kun aliaj landoj la kontaktoj ne estas multaj.

Celjabinsk (L. Nevikova): Estas nur personaj korespondiĝoj.

Ecaĉek (M. Belogolevskij): Ni havas bonajn rilatojn kun GDR. Estas ankoraŭ kontaktoj kun aliaj landoj.

Ĥarkov (J. Ĥapickij): Estas kontaktoj kun Ĝemelurboj Bolonja, Koŝice. Okazis renkontiĝoj kun eksterlandanoj en la urbo mem.

Klaipeda (A. Vizgirdas): La klube kunlaboras kun Rostok, Sofio, Debrecen. La klubanoj vigle korespondas. Oni akiris librojn por SEJM.

Kolonna (H. Rybakov): Kelkaj klubanoj havas personajn leterkontaktojn.

Kuŝiŝaj (Z. Skverceva): Estas kolektiva korespondado kun Stara Zagora, Sverin, Sopot. El Pollando venis invite por instuti.

Ivanove (T. Loskutova): Kontaktoj estas nur personaj. Estis ricevita kelkaj vojaĵinvitoj.

Leningrado (V. Cvetkova): Ni ofte akompanas eksterlandajn gastojn.

Moskvo (A. Ĥarkovskij): En la klube estas malfacile gasigi.

eksterlandanojn, precipe el kapitalistaj landoj. Kelkaj klubanoj korespondas private.

Onak (V. Kulikov): Kelkaj klubanoj korespondas tre aktive. Estas speciala fako pri eksterlandaj kontaktoj.

Poltava (V. Nočovkin): Estas korespondado kaj persona, kaj kolektiva - kun ĉemulrujoj Velikotireovo kaj Košalin.

Riga (A. Medinš): La korespondado ne estas vigla. Kolektive la klubo korespondas kun Hungario.

Ufa (N. Cvilenova): La klubanoj korespondas individue. Estas kolektiva kontakto kun Pollando. Ni ricevas literaturon el GDR. Vizitoj lastjare ne okazis.

S. Podkaminer: En urboj, kie estas packomitatoj, necesas kunlabori. Grandan utilon kaj perspektivejn donos MEM-agado.

A. Gončarov: Necesas bone uzi personan korespondadon, prepari ekzemple specialajn demandojn por korespondamiko kaj aperiigi iliajn respondejn en loka gazetaro.

G. Gercikov: Korespondado devas esti unu el niaj ĉefaj taskoj. Ĉar ĝi allogas la homojn al Esperanto.

G. Lenskaja: La X-a Mondfestivalo de junularo en Berlino. Ĉeestis 5.50 personoj el doko da lokoj, inter ili gvidantoj de TEJO:

R. Corsetti, H. Eichhorn, kiuj faris parolon al la ĉeestantoj. Aktive partoprenis reprezentantoj de Anglio, Ĉeĥoslovakio, USSR k. a. Post la oficiala parto okazis distra vespero.

La tria tago - 14.08.73.

Temo: Laboro de SEJM en lernejoj.

N. Starodubcev (skriba raporto): Estas kolektivaj sciigoj, ke Esperanto estis instruata en 57 lernejoj al 1224 gelemantoj. Estas organizita abonado al "Juna amiko" kaj "Internacia Pedagogia Revuo", akirado de la lernolibro de Szerdahelyi. La iniciato organizi pioniran tendaron en Soĉi malsukcesis. Por kontaktoj mankis aktuala SEJM-adresaro.

M. Bronštejn: Lernolibrojn oni doni al lernejoj bibliotekoj, sed ne vendi al lernantoj.

J. Lupickij: Bona, pensiga lernolibro por lernantoj estas tiu de Ĉemjonova kaj Teterin.

G. Gercikov: Komenci kirson indas per propaganda vespero. Instrui estas prefere en 7-9 klasoj, sed ne en 10-a.

A. Markovskij: Estas bone ne nur instrui la lingvon, sed ankaŭ rakonti pri la movado, pri famaj esperantistoj.

D. Jakjanec: Kial ne instrui al 10-klasanoj? Ili iĝas memstaraj esperantistoj, havas aŭtoritaton ĉe aliaj lernantoj.

V. Samoda: Estas grave instrui ankaŭ en pionirpalacoj.

L. Viŝirjad: Ĉe ni kurson por instruistoj finis 4 personoj, sed instruado fare de ili preskaŭ ĉesis pro manko de kapabloj. Eliro ĉiutage ne videblas.

A. Gončarov: Instruadon en lernejo ni praktiku modeste, ne necesas troa bruo.

Temo: Rilato al Esperanto en oficialaj instancoj.

V. Arolevič: La E-Komisiono ĉe SSSR lastjare preskaŭ ne funkciis. Estis intenco eldoni junularan numeron de "Por la paco", sed ĝi kaj aliaj plnitaj eldonaĵoj ne aperis pro manko de papero. Ni ne sukcesis direkti delegitaron al TEJO-Kongreso pro ŝanĝo de estraro. Februare venis nova respondeca sekretario de la Komisiono V. N. Tokmakov, kiu longe ne laboris. Li sukcesis interkonsenti kun KMO pri sendo de niaj reprezentantoj al Berlina Festivalo; post prikonsidero en KMO el 5 kandidatoj restis nur G. Lenskaja. Nuna respondeca sekretario, ĵus komencinta labori, estas Kuznecov Vladimir Fjodoroviĉ. Kun KMO semperaj kontaktoj ne estis, ĉar T. Grigorjev dum tuta jaro forestis.

En "Sojuzpeĉatj" oni sukcesis pliiigi la abonkvanton por "Paco" kaj "Hungara vivo" de 200 ĝis 500, estas diskutata la demando pri plilargigo de la listo de abonantoj. Ĝe "Mejdunarodnaja kniga" estas klopodej pri plifaciligado de livero kaj vendado de E-literaturado en socialismaj landoj. Estas propono eldoni la revuon "Kulturo kaj vivo" vice kun aliaj lingvoj ankaŭ en Esperanto. La E-rusa vortaro de E.A. Bokarev aperos kun prokrasto pro manko de papero.

V. Samodaj: "Kulture kaj vivo" ne estas interesa revuo, por redakti kaj eldoni ĝin necesas 5 malajrataj personoj, kio estas malfacila. Pli bone estus organizi redakcion ĝe "Meskvaj novajoj" kaj regule eldoni ion similan al "Por la paco".

A. Harkovski: En Instituto de patentoj oni proponis ellabori internacian patentan lingvon surbaze de Esperanto, sed superaj instancoj malfavoris.

A. Gonĉarov: Ni devas kolekti eldirojn de famuloj, favorajn por Esperanto, kaj eventuale eldoni.

N. Cvilensvaia: Nia urbe estas bonaj rilatoj kun instancoj. Ili helpis aranĝi multnombrajn REVU-7, sed estis malfacilaĵoj pri enhoteliĝo.

V. Meĉovkina: Ĝe ni la prezo volonte ĝion publikigas.

Temo: financa stato de SEJM.

A. Vizgirdas: Pagis 24 kluboj por 6.400 membroj. Krom kotizoj, estis ricevitaj donacoj, profite de SEJT-KLV k.a. Entute enspezoj estis je la sumo 585.04. Elspezoj - 276.63. Nuna saldo egalas 965.01, el ili 95 rubloj eksterlande.

Temo: sekretariaj aferoj.

A. Medin: Sekretariajn premiojn ricevas Harkov, Barnaul, Klajpeda. Raportis 21 kluboj, rezulto de la konkurado estas jena:

1. Ufa	-	2 805
2. Klajpeda	-	2 151
3. Riga	-	1 550
4. Vilnius	-	1 078
5. Ivanovo	-	1 014
6. Barnaul	-	930
7. Ĝinsk	-	737
8. Ĥmelnickij	-	625
9. Moskvo	-	561
10. Harkov	-	556
11. Ustj-Kamenogorsk	-	521
12. Leningrado	-	416
13. Novosibirsk	-	400
14. Poltava	-	355
15. Ĉeljabinsk	-	321
16. Taŝkent	-	271
17. Tula	-	270
18. Doneck	-	267
19. Birska	-	221
20. Kujbiŝev	-	114
21. Kolonna	-	93

A. Gonĉarov enmanigas la premiojn al reprezentantoj de Ufa, Klajpeda, Riga.

La konferenco pridiskutis la staton en malaktivaj grupoj kaj atentigis la grupojn de Kaunas, Ljepaja, Siaulai, Zaporoĝje; riproĉis la grupojn de Kaspijsk, Kievo, Krivoj Rog, Tallin, Viljandi; anoncis ekster SEJM la grupojn de Avdeevka, Ĝambul, Kuraganda, Minsk, Rjazanj, Simnas, Strij.

Sekvas ellasiĝa raporto de nealiĝinta grupo.

Biktivkar: (G. Straier): Pasintjare en la urbe malfermiĝis uni-

varsitato. La estraro de fremdlingva fakultato favore rilatas al Esperanto. Oni decidis aranĝi du fakultativajn kursojn - por instruistoj kaj por studentoj.
 La konferenco akceptis al SEJM kandidate la grupojn de Siktivkar, Talgar, Tiflino, konfirmis kandidatecon de Sverdlovsk kaj membrecon de Kedainisi (akceptitaj kandidate dum regionaj renkontiĝoj).
 Temo: interna informado de SEJM.

A. Gončarov: La malnova maniero de "Akordo" evidentiĝis neŝatiga. La iniciato de taŝkentanoj fiaskis, ĉar al ili neniu helpis. V. Silas iniciatis "KKK", sed ĝi nur parte savis la aferon. Barnaulanoj provis fotomanieron, sed ĝi estas tro multekosta. Necesas novaj proponoj.

A. Kalniņš: Riga proponas renovigi la manieron, kiam uzis Ufa.
A. Markovski: Oni uzu la manieron de "Juna esperantisto", kun pagataj tajpistoj.

A. Gončarov: Barnaulanoj pretas eldoni tion mem sur cigareda papero ĉiumonate, kondiĉe ke SEJM liveros tajpilon.
 Oni decidis eldoni problem-informan periodaĵon en Barnaul kaj akompanan materialon (jurnaloj, fotoj ktp.) sub la titolo "Akordo" - en Riga. La bulteno "KKK" ĉesu post stabiligo de la barnaula eldono; pri plej urĝaj aferoj la sekretario sendu cirkularajn leterojn.
 Temo: regiona agado de SEJM.

Balta regiono (A. Vizgirdas): La regiona agado iom lamas. Okazas tradiciaj renkontiĝoj en ĉiuj tri respublikoj, sed pri SEJM-aferoj tie temas nenulte.

Centro-Rusia regiono (V. Aroloviĉ): Oni regule renkontiĝas dufoje jare. Dum ĉiu renkontiĝo okazas seminario por aktivuloj kaj distraĵoj. Dum printempaj renkontiĝoj estas specialaj aranĝoj por komencantoj. Okazas ankaŭ reciprokaj vizitoj de aktivuloj.

Volgo-Urala regiono (N. Cvilenova): La renkontiĝoj okazas dufoje jare. La plej amasa estis REVU-7 - 150 personoj. Okazas ankaŭ duurbaj renkontiĝoj, ekzemple Sterlitamak - Salavat.

Ukraino (M. Belogolovskiĵ): Okazis renkontiĝo de kelkaj urboj en Slavjanogorsk. Kievanoj ne montras aktivecon; aktivas Barkov, Doneck, Zaporoĝje, Poltava. Oni daŭrigos laboron per fortoj de tiuj 4 urboj.

Okcident-Siberia regiono (J. Vladimircov): Okazis kelkaj interurbaj renkontiĝoj kun propagandaj eroj. Ni praktikas ankaŭ amikajn vizitojn.

A. Gončarov: La regionaj renkontiĝoj iĝis izolitaj. Necesas nepre respeguli ilin en niaj eldonaĵoj. La renkontiĝoj devas programi similaj al tendaroj kaj konferencoj. Oni praktiku la renkontiĝojn eksterurbe, por ne havi ferloĝaĵojn. Necesas plani erojn por nesperantistoj. Eblas inviti apartajn personojn por prelegi, gvidi lecionojn por komencantoj ktp.

La kvara tago = 15.08.73.

Por la titoloj de barnaula eldono estas proponoj: Katedro, Paŝo, Terĉo, Tempo, Direkto, Aktivulo, Aktuale. Estas akceptita la titolo "Aktuale".

Sekvas malfruata raporto de la vicprezidanto pri fakaj aferoj.
V. Laptev (skribo): Estis senditaj elveka artikolo por "Akordo" kaj tri cirkularaj leteroj al fakestroj kun konkretaj proponoj. Preskaŭ ĉiu fakestro laboras izolite; SEJM-grupoj nek havas nek petas helpon. Neniu el fakestroj sendis sian planon. Estas rekomendo lasi sur la postenoj gvidantojn de poezia, traduka, radicomatara fako kaj korespondanta serve. Pro manko de informoj ne eblas pritaksi laboron de metodika, scienc-teknika, naturamika fakoj kaj korespon-

da serve. Necesas eksigi gvidantojn de kanta, magnetofona, foto fakoj. Ni ne devas elekti fakestrojn senkonsente.

J. Lupickij: Se iu klubo ne respondas alvokojn de fakestroj kaj aliajn SEJM-leterojn, necesas forpreni poentojn.

L. Kovalenka: Necesas kolekti prelegojn pri E. kaj disponi per sia uzo.

A. Harkovskij: Ni ne bezonas tion multe da fakoj. Restu 3-4, sed funkciantaj.

A. Gončarov: Malbona laboro de fako dependas de gvidanto kaj kondiĉoj. Se por iu stagnanta fako poste troviĝos bona gvidanto, ni tiam povas renovigi sian laboron.

V. Saŝadaĵ: Nepre necesas altiri pli aĝajn esperantistojn al tala laboro, ili ja multon faras paralele.

Temo: elektado de la nova SEJM-Estraro kaj fakestroj.

La Konferenco taksis laboron de la malnova Komitato kiel kontentiga.

A. Gončarov: Estas propono likvidi la postenon de vicprezidanto pri propagandaj aferoj. Nun ni pli bazonas komitatanon pri tendaroj.

C. Ĉerčikov: Male, ni devas plifortigi propagandan laboron.

M. Bronštejn: Necesas komitatanon pri konstru-teĥnentej, kiu poste povu esti komisaro.

A. Gončarov: SEJM ĉiam ne povas doni al tio atenton, ĉar mankas konvenaj homoj. De ĉiam kvanto da komitatanoj restu la sama - 8. Krome estas propono: anstataŭ vicprezidanto pri kontaktoj kun oficialaj instancoj estu unua vicprezidanto.

La Konferenco elektis novan Komitaton:

Prezidanto - A. Gončarov, unua vicprezidanto - A. Aroloviĉ (Moskvo), vicprezidanto

vicprezidanto pri eksterlandaj aferoj - D. Cibulevskij (Harkov), vicprezidanto pri sekretariaj aferoj - V. Silas (Vilnius), vicprezidanto pri financaj aferoj - A. Vizgirdas (Klaipeda), vicprezidanto pri lernejoj - M. Starodubcev (Doneck), vicprezidanto pri fakoj - Laptev (Ĉeljabinsk), vicprezidanto pri tendaroj - B. Kolker (Ufa).

Pri la fakoj oni decidis: Foto fako - likvidi; kanta fako - H. M. Ĉerbakova (Moskvo), magnetofona fako - A. Rogov (Ĥmelnickij), metodka fako - M. Januleviĉ (Omsk), radikamatora fako - G. Ĵaskov (Barnaul), scienc-teĥnika fako - la posteno restu vaka, traduka fako - Vladimircev (Barnaul), poezia fako - D. Lakjanec (Leningrad), naturamika fako - A. Kilk (Tallin), korespondanta serve - S. Neillande (Riga), gazetara serve - A. Harkovskij (Moskvo).

Estas propono fondi historian fakon. Oni decidis, ke tiudirekte labore eniru agaden de la fondata instituto de Esperanto.

Estas propono de V. Ĉvetkova fondi bibliografian fakon-servon. La propono estas akceptita, la gvidanto estas komisiita al V. Ĉvetkova (Leningrad).

Temo: komeraj aranĝoj de SEJM en 1974 kaj 1975 j.

Pro foresto de reprezentantoj el Mafakala oni prokrastis la decidon pri 8-a SEJM-Konferenco kaj SEJT-16 per semajne, por esplori ĉu la tendaro.

La organizo de SEJT-5 estas komisiita al Klaipeda (rezerva loko - Barnaul). Pri SEJT-5 esploru eblecojn Ufa. Pri la 9-a SEJM-Konferenco esploru eblecojn Barnaul kaj Ustj-Kamenogorsk.

Temo: kunlaboro kun ekstersejma movado Esperanto.

Z. Skvorcova: Veteranoj volas transdoni sian sperton al junaj esperantistoj. Tial junularo ne devas forpuŝi nin, ni povas multe helpi.

A. Gončarov: Antaŭe apartigo de junularo estis utila, ĉar tio monstarigis geĵuralojn. Plene kunfandiĝi kun veteranoj signifus, ke

ni perdiĝos inter ili. Tamen neniu malhelpas al veteranoj kun-
labori.

J. Lupiekiĵ: Necesas linigi aĝon, post kiu oni ne rajtu elupi
evidan postenon ĉe en SEJM, ĉar ĝi devas resti junaĵara movado.

Fine oni interŝanĝis impresojn pri la Konferenco. Kiel ĉefaj
mankoj estas indikitaj: Ĉesto de komencokajtoj kaj malbona
teknika prizorgo.

V. Aroleviĉ voĉlegas projekton de Decidoj kaj korektoj al la
Regularo. Oni akceptas ilin.

A. Gonĉarov fermis la Konferencon.

Protokolis O. Manjuŝina (Ufa)

Z. Miŝina (Barnaul)

redaktis V. Aroleviĉ.